

◎ 一乘 《三藏法數》——出《法華經》

一乘者，佛乘也。乘即運載之義。佛說一乘之法，為令眾生依此修行，出離生死苦海，運至涅槃彼岸故，喻以七寶大車，而導之以大白牛也。佛之出世，意欲直說法華。蓋由眾生機器不等，於是先說三乘之法而調熟之。故經云：於一乘道，分別說三。後至法華會，三乘之小行，歸廣大之一乘。又云：十方佛土中，惟有一乘法。是也。

◎ 一乘 《實用佛學辭典》

（術語）成佛唯一之教也。乘為車乘，以譬佛之教法。教法能載人運於涅槃岸，故謂之乘。

法華經專說此一乘之理。法華經方便品曰：「十方佛土中，唯有一乘法，無二亦無三，除佛方便說。」

勝鬘經曰：「一乘即是第一義乘。」

勝鬘寶窟上本曰：「一乘者，至道無二，故稱為一。運用自在，目之為乘。」

五十要問答上，謂「一乘教有二種：一共教，二不共教。」

孔目章一，謂「一乘之義，分別有二，一正乘，二方便乘，正乘如華嚴經所說，方便乘有十義」

又五教章上，謂「一乘教義之分齊，開為二門。一別教，二同教。」

◎ 一乘法 《實用佛學辭典》

（雜語）弘一佛乘之法者，尋常稱華嚴天台之二家，謂之兩一乘法。又對於弘三乘教者，而稱弘一乘者用之。

◎ 一乘經 《實用佛學辭典》

（經名）法華經也。此經為主明一乘法者。

◎ 了義 《三藏法數》

謂諸大乘經宣說勝義，如煩惱即菩提，生死即涅槃之類，皆究竟顯了，名為了義。

◎ 了義經 《實用佛學辭典》

（術語）說示究竟顯了之義之經典也。從大乘言之，則小乘總為不了義經。然大小乘經典中亦有了義、不了義之別。故佛言依了義經，不依不了義經也。

◎ 了義教 《實用佛學辭典》

（術語）真實顯了之教法也。

◎ 萬善同歸集 《實用佛學辭典》

（書名）六卷，宋延壽著。明眾善盡歸於實相者。

◎ 梓

木名。俗謂鐫刻文字於板上曰梓。

◎ 耆碩俊彥

* 耆：老也。六十歲之稱。又七十歲以上之稱。

* 碩：大也。充實也。

○ 耆碩：年高有德望的人。

* 俊：才智過人者。

* 彥：才德出眾之男子。

○ 俊彥：才智超人的美士。

◎ 化法

化法者，佛化眾生之方法也。

◎ 化法四教

《三藏法數》——出《天台四教儀》

一、藏教。藏即含藏之義，謂經律論，各含一切文理，故名藏教。

二、通教。謂通前藏教，通後別圓，故名通教。

* 通前藏教者，謂此教鈍根菩薩，雖觀無生四諦，但證真空之理，與前藏教是同也。通後別圓者，謂此教利根菩薩，證真空之理時，能于真空了達不空，即入後之別教。能知空不空。具一切法。即入後之圓教也。

三、別教。別即隔別不同之義。謂別前藏通，別後圓教，故名別教。

* 別前藏通者，謂此教獨被菩薩，不涉二乘所修也。別後圓教者，謂此教所談法門行相，隔歷次第，而不圓融也。

四、圓教。圓即不偏之義，謂此教所詮中道之理，性相圓融，是理無礙，法法具足，故名圓教。

◎ 化儀

化儀者，如來出世一代化物之儀式也。

◎ 化儀四教

《三藏法數》——出《天台四教儀》

一、頓教。謂不談小乘，直說大法，故名頓教。即華嚴經也。

二、漸教。漸即漸次，有漸初漸中漸末之不同。謂如來初於鹿苑，破斥邪法，建立正教，專為二乘，此名漸初，即阿含經也。次於方等會上，彈斥二乘小機，令其歸向大法，此名漸中，即淨名等經也。後於般若會上，廣談空慧之法，淘汰二乘執小之情，會一切法皆歸大乘，此名漸末，即般若經也。如是自淺至深，次第而進，故名漸教。

三、秘密教。謂如來不思議智慧神通之力，能令大眾同會聽法，所聞各異，彼不知此，此不知彼，隱密赴機，故名秘密教。

四、不定教。不定者，謂如來不思議智慧神通之力，能令聽法之眾，或聞小法而證大果，或聞大法而證小果，彼此相知，得益不定，故名不定教。



介爾

《佛學大辭典》

（術語）形容極微弱之心也。止觀五上曰：「此三千在一念心，若無心而已，介爾有心即具三千。」

輔行五之三曰：「言介爾者，謂剎那心，無間相續，未曾斷絕。纔一剎那，三千具足。又介爾者，介者弱也，謂細念也。」